

74

1624

204

LE

no. 6

IV GEMENT  
DES DIEUX  
PORTE CONTRE  
LA VIEUVILLE.

*Reuelé à un Marchand  
Hollandois.*

8

M. DC. XXIV.

4001

41



L E

## IV GEMENT

## DES DIEUX

PORTE' CONTRE LA

Vieuville , &amp; reuelé à vn

marchand Hollandois.

**I**'Auois desia rendu les derniers offices d'obeissant Fils à mon Pere & ma mere, & desia Mercure emplumé de ses ailles, & armé de son caducee faisoit faire place parmy la tourbe des regions du silence à leurs ombres qui es champs Elisiens iouyssent maintenant d'un heureux repos, quand ces lumieres funestes obiects de yeux qui s'estoient allumez à leur mort, troublant l'aise de ma vie me firent croire que i'estois reserué à la douleur, & que dans le reste de mes annees où ie souhaiterois la mort, les parques y continueroient, ma vie non plus dans l'esperance d'y reposer mais pour y souffrir & pleurer les pertes que i'y auois fait. Mais le mignon des cieux, celuy

A ij



4  
dont le reste des Dieux estime à faueur ses  
blesseures, & s'esioiit dans ses tourmens, pa-  
rust à mes maux secourable, se monstrant à  
mes yeux qui esbloüis de sa beauté, firēt per-  
dre à mon ame l'apprehension de ses flesches,  
puis de son brandon allumant deux flâbeaux  
esteignist ceux qui faschoient à ma veüe, &  
prenant lessort dans les cieux, alla conter à  
Venus des tesmoignages de son adresse. Ce  
fust de ces coups qu'apres auoir paty quelque  
temps dans vne douce mort, ie me vis recon-  
duit à vne plus heureuse vie, & estre dans la  
plus agreable possession que ie t'eusse sceu  
esperer des faueurs de l'amour. C'estoit vne  
femme que Mars a qui maintenant nos terres  
sont sacrees se fust estimé heureux de seruir.  
Je n'eus pas demeuré cinq ou six annees à  
cueillir mille roses, que la saison verdoyante  
de ses ans fist fleurir sur ses joües, que i'eus  
deux fils dont la beauté, l'adresse, & la gentil-  
lesse blasmoit Plutō d'auarice en leur endroit,  
& me faisoit esperer qu'en leur faueur la for-  
tune ayderoit mon trafic: c'est ce qui fist nai-  
stre en mon ame vne resolution trop hazar-  
deuse; car apres auoir amassé les biens que i'a-  
uois eu des mariages de ma femme, & ceux  
que mon pere & mere m'auoient laissé, ie fis  
faire vn vaisseau dont l'equipage me promet-  
toit contre la mer & les vents quelque seure-  
té: Puis me joignant avec six ou sept autres

marchands qui depeignoient leur mesme tra-  
 fic & en mesme pays, apres milles embrassa-  
 des que ma femme m'eust donné, apres mille  
 pleurs dont elle vouloit empescher mon  
 voyage, apres mille raisons qu'elle s'imagina  
 valables pour trauerser mon dessein, apres  
 mille considerations, que l'apprehension fist  
 naistre en son ame, joignant vne voix plainti-  
 ue aux pleurs & lamentations de ses enfans,  
 pour vn dernier effort me dit vn adieu  
 assez capable de me retenir si les destinees  
 qui ont nos fortunes en leur main, ne m'eus-  
 sent rendu obstiné en ma resolution: ie me  
 jettay sur mon vaisseau, ou apres auoir fait les  
 sacrifices deus à Neptune, ie cinglay en hau-  
 te mer, ou ie fus conduit des yeux de ma  
 femme iusques à ce qu'ayant perdu de veüe  
 ma patrie, ie me consolay dans l'espoir de  
 mon gain, le fondant sur la seureté de ma  
 conscience, qui se scachant nette ne pouuoit  
 s'imaginer que les dieux me preparassent ce  
 voyage pour m'affliger. Nous fusmes cinq  
 sepmaines auant que peussions entrer en la  
 mer Mediterranee, soit ou que nous fussions  
 arrestez par les tempestes qui y suruindrent,  
 soit pour les tours, destours & retours que  
 nous fismes auant que d'y voguer. Mais y estās  
 vne fois nous fusmes conduits d'un vent si fa-  
 uorable qu'il sembloit qu'Æole nous l'eust  
 enuoyé par les commandemens de nos bon-



nes fortunes, en sorte qu'en peu de tēps nous  
 arriuasmes en Alexandrie, où estant apres auoir  
 fait mon amplette & troque, avec les mar-  
 chands de l'Asie, de l'Egypte, de la Bithinie  
 & de l'Afrique es marchandises que i'y por-  
 tois de son pays, ie visitay les lieux les plus  
 celebres par les histoires, & apres auoir con-  
 templé mille merueilles, en fin venant à con-  
 siderer sa richesse ie m'y perdis, voyant que  
 des quartiers du monde les plus esloignez,  
 chacun y abordoit ou pour vendre, ou pour  
 acheter: ie vis le Chinois porter ses soys, l'Af-  
 friquain vendre ses senteurs, l'Europe en ses  
 tableaux & ses montres, & l'Asiatique ses  
 gentilleſſes amoureuses. En fin apres mille di-  
 uertissemens que ma curiosité fournist à mes  
 sens & milles beaux & plaisans obiects qui  
 nourrissoient mes yeux dans le contente-  
 ment, apres mille plaisirs dont mon ame se  
 resioüist, le soin de ſçauoir l'estat de ma mai-  
 son me rongeat parmy ces delices me fist  
 neant moins preferer mon Itaque à ce pays  
 si voluptueux, & sollicita mon ame à se reser-  
 uer en les contentemens à ma femme, & à  
 mes enfans, & fusſe veritablement party si les  
 sacrifices que ie fis pour appaiser la rage des  
 flots & la colere des vents, les prieres accom-  
 pagnes d'Hosties dont les autels de Neptu-  
 ne fauoient pour tirer de luy quelque faueur  
 en mon voyage ne l'eſſent retardé pour quel-

que temps, apres lequel pour estre plus seurement à l'abry des pirates qui font des courses sur les marchands, ie me mis en la compagnie de ceux avec lesquels i'y auois esté, & tous d'une flotte fendant la mer, nous nous fismes faire passage aux flots de prime abord assez heureusement, & Neptune ne nous monstra point sa cholere dans les mers de Sicile, & desja chacun contoit avec plaisir le gain qu'il auoit fais en son trafic: les vns ayât chargé leur vaisseau de senteurs; les autres de soye. Ainsi gaillards & ioyeux, nous promettions aux Dieux la vingtiesme partie de nostre trafic, s'ils nous accompagnoient de leur faueur iusques en nos pays, & desia nous entriôs dâs le destroit de Gibbattar, quant vn vent qui sembloit s'esleuer de dessous les flots se mutina contre les flâcs de nos nauires, & nous ayât diuisé fist des vns piroetter les vaisseaux, & les autres qui de peur s'estoiêt anancez en haulte mer offrans des sacrifices à Neptune tascherent à l'appaiser: mais où ils furêt enseuelis dâs les eaux, on heurtant les rochez virent leurs nauires fenduës, & sans oser esperer d'y suruiure furent abandonnez aux poissons. En fin mon vaisseau apres la perte des autres, assaili des vents obstinez à ma ruine donna contre vn rocher, dont la pointe s'auançoit en mer, & le frequassa, tellement que ne restant de ceste masse qu'une seule planche en son



entier, ie me iette dessus, & m'approchant  
d'un rocher ie grimpay à mont m'attachant  
de mes mains aux pantes de son precipice,  
puis à force de bras que l'apprehension re-  
doubla i'arruiay au haut du rocher, où estant  
i'eus bien encore le desplaisir de voir les tri-  
stes reliques de mon naufrage enfoncer sous  
les eaux, dont desplaisant à moi mesme de ce  
qu'ayant avec mes biens peu finir mes mise-  
res, & ne rester à la douleur, i'estois si lasche  
que de preferer vne honteuse vie dans la mi-  
sere à vne mort plus honorable, & faisant  
sentir à mon ame ma colere ie luy faisois ces  
reproches. CRAINTIVE que fais-tu dās ce corps  
que tu n'anime plus que pour souffrir? que  
n'as-tu accompagné tes biens iusques chez  
Plutō, & puisque il te reste en tes mains vne  
espee, comment ou ne vas-tu pas aux enfers  
les luy raur des mains pout en secourir ta vie?  
ou comment n'en perces-tu point ton corps,  
afin de n'en auoir plus affaire. Ie les suiuray  
donc puisque la fortune qui ma procuré ce  
mal-heur ne ma reserué pour en recouurer  
d'autres. Mais pour m'en faire sentir la perte  
i'eusse bien cōtinué mes plaintes si les Dieux  
dont la puissance paroist à appauurir les riches  
& à enrichir les pauvres, ne m'eussent faict  
esperer en leur bonté vne resource à ma for-  
tune, masseurant de leurs faueurs au reste du  
cours de ma vie. Des-jà me consolais-ie &  
moins



moins fougueux qu'auparavant ie flattois  
 mon ame des considerations qui la pouuoient  
 retirer au desespoir, ou la perte l'auoit ietté,  
 tantost l'assurant de la liberalité des Dieux &  
 tantost luy faisant esperer son bien en la sou-  
 rce mesme de son mal, qui pour estre incon-  
 stante à departir ces faueurs esleue au plus  
 haut de sa rouë ceux qu'elle peu de iours au-  
 paravant sembloit vouloir opprimer. Ie flat-  
 tois de ces esperances mon ame, & la forti-  
 fiois contre la douleur, quoud laissant mon  
 particulier interest ie fus emporté par la cu-  
 riosité, à sçauoir d'où prouenoit vn bruiet  
 sourd qui sembloit sortir du rocher où ie  
 m'estois assis, & me leuant apres auoir ietté la  
 veuë de toutes parts, ie veis vn trou au  
 milieu d'où m'estât approché i'eus toutes les  
 enuies du monde de me hazarder pour lesclat  
 des flambeaux, qui me faisoient voir vn  
 planché? & outre ie ne craignois plus les ob-  
 iects de la mort ayant perdu les subiects de  
 viure. Ie deualay donc par ceste ouuer-  
 ture, où ayant veu vne grande quantité de va-  
 lets, ie m'enquis de l'occasion qui pouuoit  
 auoir amassé ces peuples: apres auoir appris  
 que Neptune faisoit les nopces de Venus que  
 Mars espousoit qui dans l'esperance qu'il dō-  
 noit d'estre vn iour le plus puissant Monar-  
 que de la terre auoit bien esté preferé à vn  
 Phœbus, qui pour le refus que l'on luy en a-

doit faict & pour voir sa beauté postposée à la force ny assista point. Passant plus outre, apres auoir admiré ce Palais dont les planches l'ambrissiez d'or rendoient les lieux assez clairs, i'y veis les Deitez qui demeurent dans les Cieux, les Nymphes qui habitent la terre & les eaux, & celles qui dans les enfers ont choisi leur triste demeure qui s'estoient assemblees à ce banquet : des vnes l'horreur me donnoit de l'apprehension, des autres la gentillesse me plaisoit : mais la beauté & les charmes des Deitez celestes, firent conclure à mon ame qui s'estoit obligee par serment à hayr les obiects viuans, à honorer celles dont la douceur rauist tellement mes sens, que i'auois moins de crainte & de soing à songer à ce que ie deuois deuenir que ne faict maintenant du Halier & Vitry qui apprehendent le terroir d'Italie, dont leurs destinees mesmes & les influences des Cieux les menacent. Cet obiect detant de beautéz ayât arresté mes yeux, ne lui auoit pas même encore donné le loisir de contempler la splendeur de la sale où disnoient ces Dieux ! quand apres auoir bien considéré ces lumieres diuines, haussant ma veuë ie vis milles pierres enchassées dans le plancher, qui rendoient la chambre brillâte : Neptune y auoit enchassé les perles qui se trouuent en son Empire, & les diamants, tant ceux que la mer



porte que tous ceux qui tombent entre ces  
mains par les naufrages que fôt les marchâds:  
Jus tournât ma veüe vers la muraille & m'en  
approchant, ie vis des tapisseries dont la nou-  
ueauté des histoires rendoient l'ouurage cu-  
rieux & admirable: & y estoient representees  
auecque toutes les quatre parties du monde,  
les choses qui estoient aduenües depuis six  
ans en ça, Neptune les auoit curieusement  
recherché, & en auoit vestu les murailles  
pour contenter la curiosité des Dieux; mais  
plus porté d'inclination de sçauoir ce qui se  
faisoit en nostre pays: Ie visitay l'Europe, où  
mes yeux, ie ne sçay par qu'elles destinees  
s'arrestèrent sur la France, où ie vis en pre-  
mier lieu comment trois Gentils-hommes  
demeurant en la rüe d'Auphine en chambre  
garnie auoient vn petit pot, où menant la vie  
de soldat sans l'estre, ne despensoient pas en  
toutes choses vn teston par iour, ils s'accru-  
rent en telle façon, que l'aîné commandant  
aux autres arriua au point d'estre le second du  
Royaume, mais trahissant son maistre à la  
guerre, & descourant les resolutions du  
Conseil à Monsieur de Roüen, dont il auoit  
espousé la cousine, oza bien neantmoins espe-  
rer la Duché d'Albret. Mais continuant ma  
veüe sur cette histoire, ie leus aussi tost que  
lui estant mort du pourpre, & qui plus est  
salle, laissa des freres dont les alliances qu'ils

prirēt les ont bien maintenus dans la prospé-  
 rité que lenr auoit acquis Luyne : mais Bran-  
 te ne voulant point mettre en danger sa vie  
 receust dans la chambre du Roy vn soufflet :  
 puis abbaislant ma veue ie leus les complimēs  
 que faisoit Bassompierre à la Princesse des  
 Cons, & tost apres comme il sortoit de son  
 liēt ie vis qui plus est, car ie le recogneu au  
 nom son futoir (qui est en sa maison vn lieu  
 obscur) où celui entre libremēt qui a de quoy  
 la contenter, & dit on que personne n'en sor-  
 tist iamais mal content si ce n'est que le Duc  
 de Bellegarde qui receust vn grād coup d'es-  
 pee dans les reins, & eschappa viste la colere  
 d'vn frere qui ne pouuoit endurer ce deshon-  
 neur. Puis voyant en vn coing de la court vn  
 Gentilhomme au cordon bleu qui pleuroit  
 la mort d'vn ieune homme tres-beau, ie leus  
 au deffous que c'estoit Monsieur le Prince,  
 qui dans l'opiniō de Solon croist que les seuls  
 nobles doiuent cheuaucher les garçons: mais  
 vn peu plus loing ie le vois apres qu'il a cou-  
 rul' Italie où il se fist seruir par les quatre plus  
 nobles putains, demeurer à Bourge, ou iouant  
 avec toutes sortes de personnes, & se familia-  
 risant avec tous, prefere neantmoins les esco-  
 liers aux autres, mais voyant vn petit nabor  
 avec vne longue espee, qui se vouloit battre  
 contre de grands Geans i'en eus compassion,  
 & cherchant son nom pour loüanger sa vail-



lance, ie vis que c'estoit Longue-ville plus impuissant que le Prince de Conty, dont il failloit eschauffer la brayette par medicamēts dispositifs, afin qu'il peust cheuaucher vn coup, depuis interrogeant l'un des seruiteurs de Neptune, qui prenoit plaisir au diuertissement de ces histoires, ie sceus au vray qu'il en auoit plustost mōstré la mine pour estre creu vaillant, qu'il n'eust le dessein de se battre contre celui qui l'eust deu refuser pour son honneur: car l'on l'eust creu de ses grues qui combattent les pigmees; & curieux de scauoir le nom de celui que ie voyois prescher en chaire contre l'Atheime, & conseillant le peuple de receuoir l'inquisition en France, ie sceus que c'estoit vn extrauagant que l'on appelloit Garrasse dōt l'humeur plus bouffōne que serieuse, se força pour donner de meilleures impressions de sa pieté qu'il n'auoit fait dans le liure contre Theophile, le iettant en vne extremité qu'il ne voudroit pas mesme subir, & comme ie prenois de grands contentemens à ces aduersitez ie poursuiuis encore plus auant en la carte, où ie vis le pauvre homme de Mōsieur de Roën se uer à mettre en deuoir ses Ecclesiastiques, & y faire vne honneste assemblee: mais i'ay peur qu'elle ne soit interpretee en mal, car elle n'est que de cornards pedans. Puis ie vis Madame des Esfars, guidant l'opinion qu'elle a d'estre

Madame la Cardinale, ne veut point se remarier de peur d'espouser vn party moindre : mais pourtant pour se conseruer dans ses gayes humeurs se fait cheuaucher par l'Abbé du Bec qui estoit allé à Rome pour en obtenir bulles du Pape, apres ie vis le pauvre saint Luc, mal-heureux en tous ses exploicts, courtiser vne seruante, & luy dire qu'il ne vit que pour elle, plus prest de mourir mille fois au moindre de ses commandemens, que de viure en sa disgrace, que des faueurs qu'il a receu, iamais desireux, la plus grande est celle qui la faict maistre son seruiteur, & comme ie voyois le beau Montmorancy faire l'amour à la sablé, qui aime bien d'estre chargee, mais non pas d'un fardeau si lourd comme est son mary, femme detres-bon accord donne l'assignation. P'entendis du bruiet qui m'empescha de voir le reste, mais ie iureray bien sur ma foy que ie deffends l'honneur des Dames, dont le ventre seruiroit bien de marmitte aux Cordeliers iusques au mourir qu'elle est femme de bien autant bien la Comtesse de Chasteauroux que se renforçant meslé du cliquetis d'espee ie m'approchay de la porte ou ie vis trois Religieux en cōteste contre 4. Caualliers, & l'espee au poing pour la preference en debattre l'honneur : Car tout le monde en veut manger, tesmoing le ieune Bouteuille, & Rabat



de nouveau, & du Hallier autresfois qui quitta la Mitre pour entretenir vne vieille garce avec moindre offence, & deffendant l'entree de la porte à ses Gentils-hommes, firent aussi bien qu'autresfois au siege de Paris, ce qu'ayant apperceu Iupiter, se leuant de la table accompagné de toutes les diuinitez s'approche du lieu où se faisoit le combat, où estant il fit cesser, puis leur en demandant le sujet, & l'ayant appris porta vn iugement favorable pour les Religieux, promettant toutesfois aux autres qu'apres il leur donneroit telle audience qu'ils auoient peu esperer de sa Iustice, & ce à cause d'vn S. Gicena qui y ayant eu la jambe estropiee en fut boiteux, en fin apres les auoir bien consideré, ne scachant du commencement qu'ils estoient, ie vins à les recognoistre, & vis que s'estoient des Druides academiciens & Pythagoriciens; mais toutesfois m'escognoissables pour leurs vestemens, car ils s'estoient rendus conformes à la mode, ne portant plus les barbes larges, & comme s'ils l'eussent appris aux accademies que faict Monsieur de Rouen, se la firent à son imitation razer & la porter plus longue & moins espaisse pour le bonnet, ils l'auoient tel que les portent maintenant les Iesuites, la robe de mesme: en fin vous l'eussiez pris pour vn Iesuite; cecy seul les rendoit differend, que les Druides demandant avec importunitez

des pensions au Roy; extorquēt des Abbayes,  
font rouler vne cuisine bonne & grasse, & ne  
demandent qu'à confesser les filles; tescmoin  
le procez qu'ils ont contre les Curez de l'E-  
uesché de Langres, & les Iesuites se conten-  
tent des biens que Dieu leur enuoye tous les  
iours, vpnt mendier leur pain, & ne mangent  
que les crouttes de ceux dont ils vont quester  
aux portes, l'Academicien auoit aussi ses ha-  
bits à la mode, & s'estoit couuert du Capu-  
chō de Capucin & de son scapulaire, & de son  
scilice: car il croit que la beatitude de l'hōme  
doit estre estimee dās la souffrance & patien-  
ce des afflictions qui nous arriuent, & dans le  
mespris des choses qui nous peuuent rendre  
heureux, n'en estimant aucun plus fortunez &  
plus fauorisez de la fortune que le vertueux.  
Le Pythagoricien s'estoit habillé d'un habit  
semblable à celui des Chartreux, & tous trois  
s'approchant du Tribunal de Iupiter que les  
chaires des autres Rois entouroient le Dru-  
ide, commença comme le Capitaine & le plus  
ambitieux, & fait son harangue en ceste sorte;  
Puissante ma peste, dont les autres diuinitez  
adorent la grandeur, & apprehendent le ton-  
nerre? Souffre-tu encor sur la terre, Vieuille,  
vne peste pour gaster la France? Tu vis dans sa  
ieunesse vne legereté, dont l'inconstance fut  
vne coniecture infaillible, qui le portāt tantost  
au mal, & le restituant au bien luy faisoit vn  
temps



temps aymier le vice, & puis la vertu venant à  
 recognoistre sa beauté, tu vis qu'estant dans la  
 sainte resolution de te plaire, il se vestist de  
 nostre habit pour t'y seruir esloigné du fra-  
 quas du mode, où mesme il laissa son page qui  
 maintenant y est retourné à sa premiere mala-  
 die, vomit contre les sciēces des iniures qui ne  
 peuuent prouenir que d'un esprit opiniastre  
 dans l'ignorance, qui ayant la veüe foible ne  
 peut souffrir de la clairté, qu'il ait par sa iustice  
 à demeurer exilé de ses lieux où la lumiere de  
 Phœbus est agreable dans les cachots obscurs  
 du Tartare, ou l'orreur d'une profonde nuit  
 bouche l'entrée à la clairté du iour, ce qu'ayāt  
 dit il fit vne hūble reuerēce, & laissa le moyen  
 à l'Accademicien de faire ces plaintes, qui sa-  
 lūant Iupiter & les Deitez, fils aîné de Satur-  
 ne, dit-il, à qui le sort fauorifant à la raison dō-  
 na l'Empire des Cieux à la fortune. Vieuille  
 dans les doux eslancemens des ioyes spirituel-  
 les que la recognoissance du mal, & le saint  
 desir de te seruir auoit fait gouster, auoit pris  
 vn dessein moins constant que bon & chari-  
 table, dont vostre seruice estoit le but & l'ob-  
 jet, & cherchant parmy les Ordres vne religiō  
 dont la charité, la souffrance, la patience, &  
 l'humilité fussent les fondemens, pour plus  
 meritoirement acquerir vos bonnes grāces,  
 se resout de venir en nos Cloistres & s'acou-  
 stumer à nos loix, & s'estant informé de nos

reigles, ne peust souffrir celle qui defendoit le maniment d'argent, & vouloit que l'ame pour mieux faire ces fonctions spirituelles bānit le soin d'acquérir des richesses & hōneurs qui y puisse bastir son tōbeau & trouuer son sepulchre fait: car si vous cōsiderez le mespris qu'il a eu de vos faueurs & presens, il doit mourir d'un supplice au lieu où il esperoit son cōtētemēt; puis finissant le Pitagoricien cōmence: Grand Monarque & puissant Createur des choses qui ont vie & qui sont, & dont les plus belles & puissantes Diuinitez prennent leur origine, & interpretant charitablement les desseins de la Vieuille à vous vouloir seruir dans vne plus grande austerité: quoy que son inconstāce ne nous promet rien de bō qu'une ardeur allumee dans ses flammes d'un feu d'amour & d'obeyssance entretenoit à vouloir cōtinuer iusques à nous venir chercher à Grenoble dans nos cellules; nous priant de le recevoir, disant qu'il cognoissoit bien le repos des ames religieuses & le trouble qu'enduroient les mondains que de regner, c'estoit vne chose bien souhaittable, mais non pas comme d'estre dans vne chambre à contempler les grands ouurages de vostre industrieuse puissance: mais plus foibles que choses qui soit; il n'eust pas si tost appris de nos regles qu'il falloit garder vn eternal silence, que rompant faillit à son dessein, il laisse la volonté



qu'il auoit imbu ceste seule loy, trouuillant son dessein, & rendant son ame froide & reuesche, iusques à ce poinct de n'ē parler plus, qu'il puisse pour trop entreprendre le trouuer dans les progres de la mort, & qu'il s'attache à calomnier ceux qui le pourroient conuaincre de faulsetez, & le faire iuger vostre criminel, qu'il meure du conseil de ceux dont par maxime d'ennemy mortel, ils ont dessein d'extirper l'Origine; ils n'eurent pas si tost finy que laissant la place vuide les Dieux s'amassoient en rond, & Iupiter trouuant leur priere exorable, prononça son arrest, par lequel il le condamna & excommunia, ce qu'il faisoit en sorte qu'il perdit le iugement en ses affaires, & les fit en estourdy, qu'il mourroit malheureux, infame és charges lesquelles il esperoit viure, aimé, chery & honoré; & que lors qu'il s'estimerait assez puissant pour en ruiner d'autres, & se banderoit à leur porte qu'il se perdrait luy-mesme, & s'enfeueliroit dans son infamie. Ces bons Religieux contents & satisfaits de la Iustice de Iupiter, sortant, aduertirent les quatre Cheualiers qui se promenoient en la sale, qui ne les veirent pas si tost qu'ils parurent au lieu où Iupiter estoit; s'estoient les quatre genres de Venise, d'Angleterre, d'Holande & de France. Le recogneus le Venitien à sa couleur, dont est son visage plus brüllé & rosty que les viandes

qu'ils mangent cuittes & recuittes: l'Anglois à la fraise qui est si jaune, que l'on diroit auoir esté trempée dans de la merde: Nostre Hollandois ayant son vestement fait comme fourreaux de pistolets, ressemblant à ceux qui craignent de mourir de faim, portant tousiours la piece de chair dans leur manche. Le François à la gentillesse & sa propriété & bonne mine, dauantage sa discreterion & sobriété. Le Venicien commença à dire en ces termes: Tout de mesme qu'il n'y a rien ( Souueraine Majesté ) qu'il soit iuré avec plus de ceremonie que les aliances des Royaumes: Aussi celuy est-il indigne de voir la lumiere & le iour, qui viole & enfraint le serment, & les amitez qui s'y iurent, doiuent estre estimées telles que l'on en doit représenter les injures communes qui sont faictes à l'un ou à l'autre party? Que diray je de la France si cela est; & quel iugement feray je des retarde-mens & froideurs qu'elle monstre à nous secourir, puis que de ses longueurs protient l'empirement de nos affaires, ie te croy pourtant plus charitable à nostre estat, & plus franc en tes amitez: Mais ie croy que tu as des antraues aux pieds qui te tiennent & te refroidissent l'ardeur que tu as tousiours eu à venger les torts qui nous sont faits: Mais que n'en deliures-tu la France, toy qui gouuerne les choses en dernier ressort, & qui cognois la



iustice de nos querelles ; tu es tesmoing (comme sans reproche) à ses afflictions, à ses pertes & à ses blesseures, nous y auons porté la main ; mais armee, & y estant, parce que sa guerison consistoit en la vengeance comme libres, prompts & francs à luy offrir secours d'argent & de nos vies ; maintenant nous retardons à voir l'ennemy qui se fortifie contre nous, & dont nous encourons force d'assaut. Les villes & places qu'une conuoitise qu'il a des biens d'autry lui a fait vsurper, cassé cet espion, ce pensionnaire de l'Espagnol, & ne permet point que la France soit subiette en sa fortune à l'infidelité de ses seruiteurs ; si vous ne l'exterminiez nous verrions bien tost la France perdue. Qu'il meure donc puis que la France ne peut viure s'il ne meurt, & ne se peut voir establie dans la grandeur si elle ne voit cet estourdy hors du monde ; qu'il meure dans sa patrie sans estre pleuré de personne ; que l'on l'abandonne à la colere de ses ennemis, il en trouuera qui esprouueront sur luy son corps (s'il a de vie assez) pour souffrir mille morts. Nos iustes effects sont grands, mais plus ceux de la France, qui desire pour sa santé que l'on la releue du danger où cet homme l'a mis en t'ostant du nombre des viuans, & que sa memoire soit effacee des esprits des François, ou bien si elle

reste que ce soit pour en detester le nom, comme de celuy qui des ruines de sa patrie vouloit bastir sa fortune, puis s'estant teu, l'Anglois fist ainsi sa harangue, Dieu dont les mortels cognoissent la iustice, s'il est veritable que le Fraçois & l'Anglois voisins alliez & vnis sont inuincibles, à quoy tient-il que ioints ensemble par vn mariage nous n'allions combattre celuy qui tousiours vsurpe les villes de ses voisins, & ne s'enrichist que par ses vols & surprises, puisque mesme ceste vnion est souhaittee des Dieux tutelaires de nos Royaumes, que n'en arrache-t'on les empeschemens, & si ce sont traistres aux gages de l'espargne, comment differe-t'on si long temps la vengeance. O miserable France! qui n'est fertile qu'à apporter des plantes nuisibles à soy-mesme, comment l'as-tu mis au monde, pourquoy luy as-tu donné des pestes, puisque elle bande ses esprits à trouuer les moyens à te ruiner, ou comment luy as-tu donné des bras, puis qu'il s'en fert pour te mettre en execution ce que son esprit pernicieux auoit deliberé, qu'il souffre maintenant ta seuerité, puisque il abuse de ta bonté, & des faueurs dont tu auois beny sa fortune, qu'il meure trahy des siens, puisque il auoit iuré à l'ennemy la trahison de sa patrie, & puisque qu'il a eu le dessein de se



souler des infortunes d'autrui, qu'au milieu de sa prosperité, banny de la Cour il meurt de faim, puis ayant finy son discours & ses maledictions, dont il maudissoit la Vieuville, il fist la reuerence: mais le Holandois eschauffé au combat, encôre tout furieux, sage Monarque de l'Vniuers, puisque il est tres-certain que rien ne fust ta cognoissance, & qu'il est veritable que dans la protection que les Rois de France nous ont tousiours iuré, la Vieuville aye songé d'en aliener la volonté du Roy agissant contre nous aupres de sa Majesté en partisan Espagnol, qu'il aye à souffrir les peines que ses ennemis luy souhaitent, qu'il aye à estre condamné & poursuivy de ceux qu'autrefois il a desdaigné, que ceux dont il a poursuivy la disgrâce pour s'auancer en leurs charges, & succeder à leurs credits y retournent, & mettant le pied sur sa gorge, porte sa coguee pour desindiller sa fortune, & apres auoir mis fin aux imprecations qu'il auoit fait contre la fortune du receueur. Le Genie François monstrant vn visage irrité, parce que l'intérest du procez le touchoit plustost que tout autre, faisant vne reuerence à la Françoisse, parla en ses termes, *Iupiter souverain Dieu des Dieux l'estat de la France en fin reduitte si pres de sa ruine, & ses miseres se sont rengregees en tel point par l'infidelité de ses subiets: mesmes que ie ne scay si ie dois ou me plaindre de ta iusti-*

ce pour en auoir differé iusques icy la vengeance ou bien tourner ma furie contre la France: mesmes tu porte vn filet si traissé que en alaittant ses mammelles il succent en sa gourme son sang: mas toy qui le vois à la Cour du Roy, priuant les vns de pensions, esleuant les siens, iusques à leur faire esperer les charges les plus honorables, dont le grand pere n'eust pas osé se promettre d'auancer les siens chez monsieur de Neuers iusques à estre valets de chambres, & maintenant celuy-cy ne borneroit pas ses esperances d'une charge de Marechal; encore qu'il n'ait iamais mis l'espee à la main, tu as veu comme il a pensé priuer la France du support de ses Princes de Lorraine, dont l'espee se monstra necessaire à la France pour sa defence contre les mauuais desseins de ses ennemis, tu sçais comme apres auoir promis d'espargner vn million pour le mariage de Madame, il resolut la ruine des douze plus grands de ce Royaume, afin que leurs pensions retranchee leur mit à la bastille il peust plus seurement faire ses affaires, & de leurs biens faire vn bloc d'argent pour executer sa promesse, ce que le Roy n'entendoit pas, tu sçais comme pour venir à bout de ses desseins, il rechercha le moyen de les faire trouuer coupables, & pour les deferer de trahison au Roy, osa bien promettre à vn coquin de l'Espargne du Roy, & contre son ser-

uice